



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1063. Usque Ad Annum 1100

**Fleury, Claude**

**August. Vind. [u.a.], 1761**

**VD18 90117964**

§. 8. Alexandri II. epistolæ.

---

[urn:nbn:de:hbz:466:1-66363](https://nbn-resolving.org/urn:nbn:de:hbz:466:1-66363)

giis pridie lectis derogaret. Ita liber-  
 tas Cluniacensium confirmata & nego-  
 tium inter Episcopum Matisconensem  
 Abbatemque finitum.

## §. VIII.

*Alexandri II. Epistolæ.*

Petri Damiani Legationis mandata ad *Epist. 21.*  
 totam Franciam extendebantur, quod *tom. 9. Conc.*  
 apparet ex epistola Alexandri Papæ ad *p. 1131.*  
 Archiepiscopos quinque Gervasium Re-  
 mensem, Richerium Senonensem, Bar-  
 tholomæum Turonensem, Aymonem Bi-  
 turicensem, & Goscelinum Burdegalen-  
 sem. His Papa præcipit, ut Petrum, si-  
 cut se ipsum recipiant, ejusque Judiciis  
 obtemperent, nisi Sacræ Sedis indigna-  
 tionem vellent incurrere. Ex alia epi-  
 stola ad Archiepiscopum Remensem spe-  
 ciatim data dispicimus, Hardericum Epi-  
 scopum Aurelianensem in Concilio Ca-  
 bilonensi Simonix fuisse accusatum, at-  
 que ut crimen suum celaret, Petrum Da-  
 miani perjurio decepisse. Postea autem  
 cum Pontifici per epistolas se vocanti, ad  
 rationem reddendam, obedire detrecta-  
 set, Papa Archiepiscopo Senonensi præ-  
 cepit, ut eum excommunicaret, & Ar-  
 chiepiscopum Remensem, ut Senonen-  
 sem in hac causa adjuvaret, hortatus est.  
 Simul gratias agit, quod operam contu-  
 lisset ad Usurpatorem Simoniacæ intru-  
 sum

Sæculum XI. sum de Sede Carnutensi ejiciendum, sua-  
 A.C. 1063. sissetque Philippo Regi, ut illi virum  
 Episcopatu dignum subrogaret. In alia  
*ep. 22.* epistola ad eundem Remensem data præ-  
 cipit, ut anathematizet, Reginaldum,  
 Abbatia S. Medardi invasorem Simonia-  
 cum, atque tam in Concilio a Petro Da-  
 miani, quam a se condemnatum. Un-  
 de discimus, vel Gervasium Concilio  
 Matisconensi interfuisse, vel Petrum  
 Damiani in Legatione sua Gallica plura  
 Concilia celebrasse.

Sub idem tempus, quo Concilium  
 Romanum celebrabatur, Alexander Papa  
 duas Ecclesias Diocliensem & Antibaren-  
 sem in Epiro conjunxit. Ex urbe Dio-  
 clea, annis ferme ducentis Metropoli,  
 postea devastata, Archiepiscopi Sedem  
 transtulerunt Antibarim, urbem ejusdem  
 provinciæ munitam. Tunc vero illam  
 Ecclesiam regebat Petrus, quo rogante  
 Papa ambas Diœceses univit. Eidem  
 Archiepiscopo auctoritatem & potesta-  
 tem tribuit in omnia Monasteria Latino-  
 rum, Græcorum & Sclavorum; nam tres  
 nationes illam provinciam incolebant.  
 Pallium quoque concessit & Jus, quo ipsi  
 procedenti per totam Dalmatiam & Scla-  
 voniam Crux præferri deberet. Hæc  
 Bulla decima octava Martii anno secun-  
 do Alexandri Pontificis, nempe Salutis  
 repa-

reparata anno millesimo sexagesimo ter-  
tio data. (\*)

Sæculum XI.  
A.C. 1063.

§. IX.

*Conflictus in Ecclesia Goslariensi.*

Eodem anno ingens scandalum Gosla-  
riæ, Saxoniam urbe, & Regis Sede,  
exortum est. Consuetudo vetus inole-  
verat, quod in Episcoporum conventu  
Abbas Fuldenſis Archiepiscopo Mogunti-  
no proximus federet. At Hecilo Epi-  
scopus Hildesheimenſis dicebat; in ſua  
Diœceſi, in qua Goſlaria poſita eſſet, ſe  
nemini niſi ſoli Archiepiscopo ſecundum  
federe oportere. Inſtabant Episcopum  
ſuæ divitiæ, opibus Antecessorum ſuo-  
rum majores, & ætas puerilis Regis, quo  
tempore omnia impune attentabantur.  
Ceterum jurgiis initium datum in Feſto  
Natalis Domini 1062, cum Sedes Episcoporo-  
rum ad Veſperas celebrandas collocaren-  
tur, namque Cubicularii Episcopi Hildes-  
heimenſis itemque Wideradi Abbatis Ful-  
denſis primum conviciis, deinde pugnis  
ſeſe impetierunt, quin & gladios ſtrinxiſ-  
ſent, niſi auctoritas Ducis Bavariam Ot-  
tonis tunc ſupervenientis concitatos in  
officio continuiffet.

Lambec. an.  
1063.

Verum

(\*) Ex his diſpicimus, non omnes Græcos  
temeritatem Cerularii fuiſſe ſecutos.